

堯山堂外紀

堯山堂外紀卷八十

晉陵蔣仲舒編

國朝

高啟

字季迪別號槎軒又號青丘生與楊基張羽徐賁友善四公皆吳產皆妙於詩

世稱高楊張徐擬唐四傑

饒介之仕偽吳雅喜文學聞高季迪才名召之至再強而後往因命題倪雲林竹木圖實試之也且以木綠曲為韻季迪隨口答曰主人原非段

干木一瓢倒瀉瀟湘綠踰垣爲惜酒在樽飲餘
自鼓無絃曲饒大驚異因勸之仕季迪笑而不
答廼去之隱青丘時年纔十六

饒介之求諸彥作醉樵歌以張仲簡第一季迪次
之贈仲簡黃金十兩季迪白金三斤仲簡歌曰
東吳市中逢醉樵鐵冠歌側髮飄蕭兩肩矻矻
何所負青松一枝懸酒瓢自言華蓋峰頭住足
跡踏遍人間路學書學劍總不成惟有飲酒得

真趣管樂本是王霸才。松喬自有煙霞具。手持
崑崗白玉斧。曾向月裏砍桂樹。月裏仙人不我
嗔。時令下飲洞庭春。興來一吸海水盡。却把珊
瑚樵作薪。醒時邂逅逢王質。石上看棋黃鵠立。
斧柯爛盡不成仙。不如一醉三千日。于今老去
名空在。處處題詩償酒債。淋漓醉墨落人間。夜
夜風雷起光怪。

後承平久張洪脩撰每為人作一文僅得五百錢為

高季迪年十八未娶婦翁周仲建有歿季迪往唁

之周出盧鴈圖命題季迪走筆賦曰西風吹折
荻花枝好鳥飛來羽翮垂沙濶水寒魚不見滿
身風露立多時仲建笑曰是子求室也卽擇吉
以女妻焉

高季迪明妃詞云妾語還憑歸使傳妾身沒虜不
須憐願君莫殺毛延壽留畫商巖夢裏賢

高季迪鑿渠謠云鑿渠深一十尋鑿渠廣八十丈
鑿渠未苦莫嗔吁黃河曾開千丈餘君不見賈

尚書

高季迪憶遠曲云楊子津頭風色起郎帆一闌三
百里江橋水柵多酒釺女兒解歌山鷓鴣武昌
西上巴陵道聞郎處處經過好櫻桃熟時郎不
歸客中誰為縫春衣陌頭空問琵琶卜欲歸不
歸在郎足郎心重利輕風波在家日少行路多
妾今能使烏頭白不能使郎休作客

高季迪賦得寒山寺送別云楓橋西望碧山微寺

對寒江獨掩扉。船裏鐘催行。客起塔中燈。照遠
僧歸。漁村寂寂孤煙近。官路蕭蕭衆葉稀。須記
姑蘇城外酒。烏啼時候與君違。

高季迪在金陵晚登南岡望都邑宮闕賦詩云落
日登高望帝畿。龍蟠山下見龍飛。雲霄雙闕開
黃道。煙樹三宮接翠微。沙苑馬閒秋獵罷。天街
車響晚朝歸。明朝欲獻昇平頌。還逐仙班入瑣
闈。

玳羅絨者琉球日本諸國所貢也。今杭州織造局
工作亦倣為之高季迪謝友人惠玳羅被歌云
蠻王細擘冰蠶繭。織得長余謝縫剪。蒙茸柳絮
不愁吹。鋪壓高床夜香軟。朔風入關凋白榆。寒
寒此物時當須。明燈熾炭夕宴罷。薦寢宜共紅
羅綸。海客揚帆遊萬里。得自崑崙國中市。歸來
遺我見違情。重似鴛鴦合懽綺。詩人鶴骨欺霜
稜。曾宜禁暑眠青綾。自從身退得閒卧。只愛擁

紙同山僧。今朝得此何奇絕。展覆不憂兒踏裂。
便思清夢伴梅花。靜掩寒牕聽風雪。越羅蜀錦。
安可常。洞房姜女護熏香。誰知一幅春雲暖。即。
是溫柔堪老鄉。

高季迪題筆峰詩雲未濃似墨。鴈去還成字千載。
只書空。山靈怨何事。季迪辭侍郎不拜家居。忽。
惟黨禍腰斬亦其識云。

季迪撰蘇州府上梁文
為御史張度所劾與知

府魏觀
至并市

楊基

字孟載謂眉無用於人之身因號眉菴

楊孟載幼穎悟絕人弱冠工文詞名動公卿楊廉夫一見戲以所號鍊笛為題使其賦歌對曰不惟能歌尤且切效老鍊體翌日呈似廉夫廉夫不覺自失曰吾意詩徑荒矣今老鍊當讓子一頭地故當時有老楊小楊之稱歌曰鐵崖道人吹鐵笛宮徵含嚼太古音一聲吹破混沌竅一聲吹破天地心一聲吹開虎豹闥彤庭跪獻丹

宸箴問君何以得此曲。鈔諧律呂何以召陽而
呼陰。都將春秋一百四十二年筆削手。譜成透
天之竅。價重雙南金。掉頭玉署不肯入。直入弁
峯絕頂俯瞰東溟深。王經正統著高論。唾彼傳
癖兼書淫。時人不識我不厭。會有使者徵球琳。
具區下浸三萬六千頃之白銀浪。洞庭上立七
十二朶之青瑤岑。莫邪老鐵作龍吼。丹山鳳舞
江蛟吟。勗哉宗彥吾所欽。赤泉之盟猶可尋。更

吹一聲振我清白祖大鳴盛世載賡阜財解悞

南風琴

錢崖註春秋一本名透天關

楊孟載春草詩最傳其警聯曰六朝舊恨斜陽外
南浦新愁細雨中又咏新柳云濃如烟草淡如
金濯濯姿容裊裊陰漸軟已無憔悴色未長先
有別離心風來東面知春淺月到稍頭覺夜深
惆悵隋宮千萬樹淡烟疎雨正沉沉咏春水云
溶溶樣樣欲平橋知是巴山雪盡消紅雨落花

來滾滾綠烟芳草去迢迢沅湘已沒鷗邊渡
浦新添鷺外潮向晚漁郎走相報大家齊上木
蘭撓

七姊妹花似薔薇而七朵連綴楊孟載詩云紅羅
開結同心小七盞參差弄春曉盡是東風兒女
魂蛾眉一樣青螺掃三妹娉婷四妹姪綠窓虛
度可憐宵八姨秦虢休相妬腸斷江東大小喬
楊孟載題十二紅圖云何處飛來十二紅萬年枝

上立東風楚王宮殿皆零落。說盡春愁暮雨中。

張羽

字來儀

張羽本潯陽人元季授安定書院山長因欲卜居吳興以詩約徐賁曰吳興好山水子我盍遷居繞郭羣峰列迴波一鏡如蠶餘即宜稼樵罷亦堪漁結屋雲林下殘年共讀書於是定居於戴山東

張來儀題宣和畫瓶中折枝木犀曰玉色官瓶出

內家天香濃浸月中葩六宮總愛新涼好不道
金風捲翠華莫士安每為瞿宗吉稱誦之宗吉
因擬作一首云金溝水活玉瓶寬分得天葩下
廣寒可惜秋香容易落不如留向月中看士安
亦稱善

徐賁

字幼文

徐賁寄周記室云湖波遙帶夕陽低想得君家住
更西隔岸衆山晴稍出當門幽鳥晚猶啼酒綠

客裏偏能飲詩到愁邊只謾題欲倩歸雲寄離
思如何却向望中迷

徐幼文別離曲云山風吹霜榆葉老城鴉傳聲天
欲曉征徒出門駕出裝斗杓倒懸月無光我停
路車客停馬荒煙蕭蕭暗平野一盃濁酒且頃
傾九月垂楊不堪把歌聲感激絃聲繁坐上醉
人爭笑喧相逢相別皆草草心事如絲向誰道

林鴻

字子羽閩人洪
武初官員外

元順帝有一象宴羣臣時拜舞為儀天朝王師破
元都帝北遁徙象至南京一日上設宴使象舞
象伏不起殺之次日作二木牌一書危不如象
一書素不如象掛於危素左右肩由是素以老
疾告乃謫含山縣林子羽嘗作義象行曰有象
有象來天都大江欲渡心次且誘之旣渡獻天
子拜跪不與衆象俱象奴勸之拜怒鼻觸象奴
賜酒不肯飲哺之亦不舖屹然十日受饑渴俛

首垂淚憤且吁。天子命殺之。衆官束手莫敢屠。
侍衛傳宣呼壯士。被甲各執丈二。爰象戰。久不
克。兵捷象乃殂。憶昔君皇每巡幸。象當法駕行。
天衢珊瑚錯落明。天珠被服美錦紅。氍毹紫泥
函。封載玉璽萬樂爭。擁羣龍趨玉璽歸沙漠。龍
亦歸。鼎湖所以老象心。南來誓死骨爲枯。嗟爾
食祿人。負七尺軀。高高白玉堂。赫赫黃金符。伊
咎軒冕今泥塗。嗟爾食祿人不若。飯豆芻象何。

潔爾何汚。天子垂衣治萬世。俾全象德行天誅。
嗚呼象兮。古所無。嗚呼象兮。古所無。

林子羽春日遊東苑應制賦詩云。長樂鐘鳴玉殿。
開千官步輦。出蓬萊。已教旭日催龍馭。更借春。
流泛羽盃。堤柳欲眠。鶯喚起。宮花乍落。鳥銜來。
宸遊好。把簫韶奏京國。于今有鳳臺。

林子羽賦得垂楊送客云。客路垂楊最有情。暖風。
吹綠漸冥冥。雨溪煬帝宮前見。月白桓伊笛裏。

聽葉暗。未堪藏乳燕。花飛終恨促。浮萍分攜欲。
折長條。贈愁絕。河橋酒幔青。

林子羽婦朱氏亦能詩。嘗勉子羽五韵云。玉食叨
陪近尚方。五雲溪處列鵷行。經綸輔國從人仰。
竹帛流芳與世長。待漏衣沾仙掌露。朝天身惹
御爐香。功名成遂歸寧日。一榻清風綠野堂。年
甫十九。卒。子羽終身不娶。

浦源

字長源。號東海。無錫人。
洪武中官晉府舍人。

浦長源讀書工詩聞林子羽老於詩學欲往訪之
無由一日以收買書籍至閩時子羽方與其鄉
人鄭宣王玄輩結社作詩自以天下為無人長
源謁之子羽欲聞其所作以觀何如長源乃誦
送人之荆門詩云長江風颭布帆輕西入荆門
感客情三國已亡遺舊壘幾家猶在住荒城雲
邊路繞巴山色樹裏河流漢水聲若過旗亭多
取醉不須弔古謾題名子羽甚加歎賞遂許入

杜與之唱酬

浦長源又有送人還鄉詩云都門楊柳拂離筵歸
路青山水國連三月春陰垂細雨幾家寒食起
新煙聽鶯谷口停行蓋立馬江頭問渡舡此去
故園應酒熟杏花開遍草堂前

浦長源在并州寒食日作絕句云夢入故園千里
遠覺來寒食在并州垂楊不是相思樹那得各
開便白頭

長源同邑周子羽名翼號鱣齋有題
鴈一絕云翔鴈南來寒草秋未

霜紅葉已先。
綠珠宴罷歸金谷。
七尺珊瑚夜不收。
屬來紅草名。

瞿佑

字宗吉。號存齋。錢唐人。鄉前輩凌彦。種丘彥能吳敬夫咸與為忘年友。

瞿宗吉少不為其父所知。鄉人章彥復自福建檢校回。瞿翁設雞酒待之。宗吉年十四。適自學舍歸。彥復即席指雞為題。宗吉應聲云。宋宗窗下對談高。五德聲名五彩毛。自是范張情義重。割烹何必用牛刀。彥復大加稱賞。手寫桂花一枝。并題其上。以贈云。瞿君有子早能詩。風采英英

蘭玉姿天上麒麟元有種定應高折廣寒枝瞿
翁遂構傳桂堂

楊庶夫嘗過杭訪瞿士衡士衡宗吉從祖也時宗
吉尚少庶夫示以所作香奩八詠宗吉乃悉和
之其花塵春跡云燕尾點波微有暈鳳頭踏月
悄無聲黛眉顰色云恨從張敞毫邊起春向梁
鴻案上生金錢卜歡云織錦軒窓聞笑語採蘋
洲渚聽愁吁香頰啼痕云班班湘竹非因雨點

點楊花不是春。蘆夫嘆服曰：此瞿家千里駒也。
瞿士衡一日飲楊蘆夫以鞋盃行酒。蘆夫命宗吉
詠之。宗吉席上作沁園春以呈蘆夫。大喜。即命
侍妓歌以侑觴。因袖其藁而去。詞云：一掬嬌春。
弓樣新裁，蓮步未移，笑書生量窄。愛渠儘小，主
人情重，酌我休遲。醞釀朝雲，斟量暮雨，能使麴
生風味奇。何須去，向花塵畱蹟，月地偷期。
風流到手偏宜，便豪吸雄吞，不用辭任。凌波南浦，

惟誇羅襪賞花上苑秭勸金卮羅怕高擎銀瓶
低注絕勝翠裙深掩時華筵散柰此心先醉此
恨誰知

丘彥能文雅好古所藏圖畫非遇賞鑒者不出示
嘗有蘆花被圖一幅蓋模寫酸齋梁山灤故事
上惟貢泰甫吳子立數詩而已後遇吳敬夫出
而求題敬夫為賦數首皆不愜意最後一首云
秋風吹就蘆花被一落人間知幾年澤國江山

今入畫詩人毛骨久成僊高情已落滄洲外舊
夢猶迷白鳥邊展卷不知時世換水光山色故
依然彥能喜始請登卷他日又以唐三學士奕
棋圖求瞿宗吉題宗吉為賦一絕云三人當局
各藏機思入幽玄下子遲畢竟是誰高一着風
簷日影靜中移彥能嘆賞曰不辱吾卷矣

宋熙寧中餘杭進士洪浩游大學十年不歸其父
作詩寄浩曰太學何蕃且一歸十年其肯誤庭

闌休辭客路三千遠。須念人生七十稀。腰下雖
無蘇子印。篋中幸有老萊衣。歸時定約春前後。
免使高堂賦式微。浩得詩即歸養錢塘吳愷洪
武間官四川其父敬夫思之作詩云劍閣凌雲
鳥道遶路難聞說上青天山川萬里身如寄鴻
鴈三秋信不傳落葉打窓風似雨孤燈背壁夜
如年老懷一掬鍾情淚幾度沾衣獨泫然敬夫
卒而愷始以丁憂還家一日見瞿宗吉自誦其

詩云薄宦蕭然作遠遊行囊那得一錢留孟光
不比蘇秦婦肯笑歸來只敝裘宗吉因舉敬夫
前詩謂曰尊翁有念子之情而子乃獨歸美其
婦耶慙大慙而去

瞿宗吉嘗與黃體方過汴梁相國寺將謂有南方
花木之勝香茗之供而鄙陋殊甚僧皆羶帽皮
靴髮長過寸言貌麤俗體方呼為惡僧口占云
步入空門見惡僧紅羶被體髮鬅髻宗吉續之

曰一言能得君王意安得當年老贊寧

汴梁為宋東京

士人遊宦者少得清暇以遂宴賞之樂當時有事花檣上觀銀李拍酒樓前聽管絃之句體方續之云雨後淤泥填紫陌風前塵土障青天蓋街道無溝渠又不用磚石甃過雨則行潦縱橫而地迫黃河風起則塵沙蔽日不可開日嘗集體仁門體方戲語同列云此所謂東華軟紅塵也

杭州男女瞽者多學琵琶唱古今小說平話以覓衣食謂之陶真大抵說宋時事蓋汴京遺俗也
瞿宗吉過汴梁詩云歌舞樓臺事可誇昔年曾

此擅豪華尚餘艮嶽排蒼昊。那得神霄隔紫霞。
廢苑艸荒堪牧馬。長溝柳老不藏鴉。陌頭育女
無愁恨。能撥琵琶說趙家。

吳歌惟蘇州為佳。杭人近有作者。往往得詩人之
體。如云。月子彎彎照幾州。幾人歡樂幾人愁。幾
人高樓行好酒。幾人飄蓬在外頭。此賤體也。瞿
宗吉往嘉興聽故妓歌之。遂翻以為詞。云。簾捲
水西樓。一曲新腔。唱打油。宿雨眠雲。年少夢休。

謳。且盡生前酒一甌。明日又登舟。却指今宵是
舊遊。同是他鄉淪落客。休愁。月子彎彎照幾州。
又送郎八月到揚州。長夜孤眠在畫樓。女子拆
開不成好秋心。合看却成愁。此亦賤體而黃山
谷之詞。先有之。你共人女邊看子爭知我門裏
挑心是也。又約郎約到月上時。看看等到月蹉
西不知奴處。山低月出早還。是郎處。山高月出
遲。此詞雖淫奔。然怨而不怒。愈於鄭風。任章之
訕。又高山頂上。鵲鴝啼。聞說親爺娶。晚妻。猶
自可。前娘兒子好。孤寒此典禮也。又樹
頭掛。細枉求蝦泥裏。無金空換沙。刺潦樹邊栽
狗。橘。幾時。所得牡丹花。此比體也。有守一而終
意之。

杭妓朱觀奴頗通文義嘗欲構室而慕緣於人求
題詞於瞿宗吉宗吉援筆書云傾國傾城美貌
為雲為雨芳年金沙灘上舊因緣重到人間示
現欲構雲窓霧閣柰慳實鈔金錢諸公有意與
周旋請看桃花好面人以宗吉故喜損貲焉
鳳仙花有紅白紫數種宋時謂之金鳳花其葉可
以染指甲為紅色瞿宗吉詩金盆玉露搗仙葩
解使纖纖玉有瑕一點愁凝鸚鵡喙十分春上

牡丹芽嬌。彈粉淚。拋紅豈。戲掐花枝。鏤絳霞。女
伴相逢。頻借問。幾回錯認。守官砂。又玉簪花詩。
白露初凝。氣候涼。花神獻寶。助新粧。移來銀色。
三千界。壑盡金釵。十二行。秋水為神。冰琢骨。龍
涎作麝傳香。不須石上。憂磨折。長在佳人。鬢髻
傍。

瞿宗吉熨斗詩有柄。何曾挹酒漿。隨時用舍。屬閨
房。幹旋天上陽和氣。平帖人間錦繡香。翠袖捲

紗移玉釧金篝分火近牙床。衣成遠寄征夫去。
印額何時肘後黃。

瞿宗吉殘蝶詩飛鳥曾聞載鬼車。粉香何事亦隨
邪。傷生不惜身投火。抵死猶將命乞花。望帝精
靈枝上血。韓憑魂魄墓前沙。一般有恨難消滅。
夢裏相逢更可嗟。

永樂間瞿宗吉以詩禍下獄已而謫戍保安時興
河失守邊境蕭條朝廷方降佛曲於塞下選子

弟唱之遇元宵宗吉淒然作望江南五首云元
宵景野燒照山明風陣摩天將夜半斗杓插地
過初更燈火憶杭城元宵景巷陌少人行舍址
孤兒偎冷炕牆東婺婦哭寒檠士女憶杭城元
宵景刀斗擎殘更數點夕烽明遠戍幾聲寒角
響空營歌舞憶杭城元宵景默坐自傷情破灶
三盃黃米酒寒宵一盞濁油燈宴賞憶杭城元
宵景淡月伴疎星戍卒抱關敲木柝歌童穿市

唱金經。簫鼓憶杭城。

黎真

號林坡國
初名儒

黎林坡嘗以非罪謫戍遼左同里馬某與焉黎蒙
恩放回而馬獨不與其兄一日盛席邀黎侑觴
之妓皆絕色也黎不往遺之以詩曰錦瑟銀箏
白玉卮。賞音元自有鍾期。可憐孤鴈長城外。叫
斷南雲總不知。其兄得詩為之墮淚罷宴

堯山堂外紀卷八十終

堯山堂外紀卷八十一

晉陵蔣仲舒編

國朝

文皇帝

初封燕及即位詔以北平布政司為北
京每巡幸稱行在設行部官開科曰北
京行部鄉試正統辛酉始
定為京師革行在之稱

文廟在燕邸大宴時天寒甚文皇出一對曰天

寒地凍水無一點不成冰姚廣孝在坐應聲曰

國亂民愁王不出頭誰是主文皇大喜遂決

意起兵而姚預靖難功焉

永樂初有士人赴舉祈夢神告之曰禮樂征伐自天子出士人擬爲義爲論以待及舉於鄉登進士竟無驗後官膳部郎官文廟與羣臣宴出語曰流連荒亡爲諸侯憂屬羣臣對無有應者士人進曰禮樂征伐自天子出上大悅即擢禮部侍郎

永樂中江南一太學生需選京師見邸間題云公

賤孤館夢魂常到故鄉來一日閨中傳旨云月上斷橋形影不隨流水去有能對者賞生忽悟壁間之句即以奏對得授右秩

姚廣孝

蘇人初為僧名道衍字斯道洪武末詔還高僧分侍諸王宗泐舉道衍往

燕府住持北平慶壽禪寺請難功成反初服復令姓名元初劉秉忠初亦為僧故名

廣孝

配之

姚廣孝元壬辰披剃洪武癸丑請給禮部度牒於覺林寺入冊刻意為詩文由是知名詠百花洲

云水艷接橫塘花，多礙舟路波紅。晴漾日沙白，
寒棲鷺緣汀。漁網集隔浦，菱歌度不見昔遊人。
風烟自朝暮。

道士席應真讀書學道法慕通兵機道衍師之盡
得其術然深自晦藏人無知者已而至京口賦
覽古詩曰樵櫟年來戰血乾烟花猶自半凋殘
五州山近朝雲亂萬歲樓空夜月寒江水無潮
通鐵甕野田有路到金壇蕭梁事業今何在北

固青青眼倦看。其黨宗泐見其搖膝高合笑之。
曰此豈釋子語耶。斯道斯道汝薄南朝矣。

姚廣孝題觀音巖云。高閣凌空如履地。長江萬里
來無際。世人可到不可留。只許禪僧深夏住。亂
帆來往逐雲飛。隔岸淮山擁翠微。大士巖間常
宴坐。一燈夜照客船歸。

永樂間姚廣孝領勅往蜀。雲臺觀懸幡驛路代有
迎候。抵姑蘇寒山寺駐節在松下。散飯曳履獨

步不將餘人會吳邑曹三尹見而訝焉撻之二
十姚漫不為意頃而撫按會集少師出一詩示
云出使南來坐畫船袈裟猶帶御爐烟無端撞
着曹公相二十皮鞭了宿緣少師以為生前所
負孽緣耳眾知之遂成大笑

夏原吉

字維恭先世德興人大父以官寓湖
汙遂家湘陰母廖氏夢二閭大夫降

而生

夏忠靖公少年極穎敏或指屋上獸頭使賦之公

即口占曰非龍非虎亦非熊頭角皆因造化爲
不向草茅誇氣象却於廊廟著威儀昂昂飽歷
冰霜苦默默長承雨露滋寄與飛鳥諸燕雀好
來相近莫相疑論者以爲居顯位而不免昵小
人此其驗云

夏原吉人影詩云不言不語過平生步步相隨似
有情長向燈前同靜坐每於月下共閑行昨朝
離去天將暝今日歸來雨又晴最是行藏堪愛

處顯身須要待時明

永樂中夏忠靖公以工部尚書治水蘇松永豐周大有以兵科都給事中同事一日偕宿天寧寺給事早如廁甚急公戲謂曰披衣鞅履而行急事急事周即應聲曰棄甲曳兵而走常輸常輸一時以爲善謔

大有字逸洪武中以監生擢任兵科都給事中時甫弱冠天才

逸發高皇帝時加寵異使讀書樓上呼為樓上秀才後謫戍遼海永樂中召復原職治水吳

中尋

卒

永樂己丑令自正月十一日爲始賜元宵節假十
日壬辰正月賜文武羣臣宴聽臣民赴午門外
觀鼇山歲以爲常夏原吉侍母往觀上聞遣
中官賞鈔二百錠即其家賜之曰爲賢母權也
自是車駕駐兩京皆賜觀燈宴上或御午門
示御製使儒臣奉和覽而說之賜以羊酒鈔幣
時評應制諸作以陳侍講教宗五首爲工其一
皓月金門夜和風玉殿春雲移三島近燈簇萬

花新天仗臨丹宸星橋接紫宸中官宣德意燕
賞及詞臣其二紫禁疎鐘靜高城刻漏傳五雲
迎寶蓋萬炬綴金蓮瓊醴行仙席龍盤進御筵
教坊呈百戲齊過玉階前三劔珮青霄近峯
巒翠閣重花明金幄月香度玉樓風拜舞諸番
集歡娛萬國同遙聞歌吹發五色慶雲中其四
紫陌連青禁彤樓接絳河九門星彩動萬井月
華多寶炬通宵朗鸞笙叶氣和臣民涵聖澤齊

作太平歌其五山擁金鰲壯雲盤彩鳳來銀河
隨斗轉珠闕倚天開歡洽春聲徧恩從淑氣回
願歌魚藻詠長奉萬年杯

夏原吉送弟還長沙詩曰颯颯金風八月闌汝今
歸去寸心安菜根有味莫嫌淡茅屋無書可借
看日具甘宜奉母秋收租稅早輸官明年此
際還來望莫遣寥寥鴈影寒

解縉字大紳年十八舉江西鄉試第一連
登進士永樂初更名薦已而復舊

解學士自幼能言即穎敏絕人郡守令至其家或
抱至膝上應聲成文皆錯愕驚嘆一日婦翁某
過其家解父抱繙出置椅上婦翁云父立子坐
禮乎解遽答嫂溺叔援權也翁又曰何緣得佳
偶解亦遽答有幸遇良媒翁奇之遂聯姻焉

解學士四歲時出遊市偶跌衆笑之吟曰細雨落
綢繆磚街滑似油鳳凰跌在地笑殺一羣牛衆
無不搖頭吐舌

解學士六歲時其族祖戲之曰小兒何所愛即應
聲作詩四絕其一云小兒何所愛愛者芝蘭室
更欲附飛龍上天看紅日其二云人道日在天
我道日在心不省雞鳴時冷然鐘磬音其三云
聖人有六經天地有日月日月萬古明六經終
不滅其四云小兒何所夢夜夢筆生花花根在
何處丹府是吾家他日學士嘗書其後云予未
能言時頗知人教指夢五色筆筆有花如菡萏

者當五六歲來遂盛有作

解學士七歲時一日友人持其父影而至解橫書
圖畫禽獸友甚不樂於是續云圖公之像畫公
之形禽中之鳳獸中之麟友笑而奇之

解學士九歲時其父携詣江沐浴以衣覆老樹上
命對云千年老樹爲衣架急應云萬里長河作
浴盤歸見馬行草野命對云黑馬尾拖銀掃帚
對云烏龍項帶玉繚環父珍愛之甚

解學士十歲時其母居孀苦於里胥催徵之急解
具訴於縣宰併系以詩有他年諒有相逢日好
把春風判筆頭之句邑宰意其假手即指堂邊
小松爲題令再賦應聲曰小小青松未出欄枝
枝葉葉耐霜寒如今正好低頭看他日參天仰
面難邑宰大奇之遂蠲其稅

永樂中北京宮闕初成 文廟命解學士書門帖
解難於比擬偶見古詩日月光天德山河壯帝

居即書以進，上大嘉賜，賚甚厚。

永樂中秋

上方開宴賞月月，為雲掩召解縉賦。

詩遂口占風落梅一闋，其詞云：嫦娥面今夜圓。

下雲簾，不著臣見，拚今宵倚欄不去，眠看誰過。

廣寒宮殿

上覽之歡甚，復命賦長篇，又成長。

短句以進歌曰：吾聞廣寒八萬三千修月斧，暗。

處生明缺處補，不知七寶何以修合成孤光洞。

徹乾坤萬萬古三秋，正中夜當年佳期不擬端。

娥悞酒杯狼籍燭無輝天上人間隔風雨玉女
莫乘鸞仙人休伐樹天柱不可登虹橋在何處
帝閣悠悠叫無路吾欲斬蜃蛙磔其兔坐令天
宇絕纖塵世上青霄聚如故黃金爲節玉爲輅
綵綽驚車爛無數水晶簾外河漢橫冰壺影裏
笙歌度雲旗盡下飛玄武青鸞對書報王母但
期歲歲奉宸遊來看霓裳羽衣舞上益喜同
緡飲過夜半月復明朗上大笑曰子才真可

謂奪天手段也

解縉應制題虎顧衆彪圖曰虎爲百獸尊誰敢觸其怒惟有父子情一步一回顧 文皇素不喜

仁宗感此詩甚思時

仁宗畱守南京頗懷

憂虞因命所親信者莫如夏原吉即日往迎之文皇嘗謂解學士曰有一書句甚難其對曰色難解應聲曰容易 文皇不悟顧謂解曰既云易矣何久不屬對解曰適已對矣 文皇始悟色

對容難對易爲之大笑

解爲諸生時遊青樓伎奉茶進曰一盞清茶解

解解元之渾大神無以對又一張琴上七條絃彈出五音六律及烟鎖池塘柳亦不能對

解學士訪某駙馬不值公主聞其名欲觀之隔簾

使人畱茶解索筆題曰錦衣公子未還家紅粉

佳人叫賜茶內院深沉人不見隔簾閒却一團

花公主怒其謔已遂奏聞太宗曰此風流學

士見他做甚

解縉有贈翰林劉編脩歸娶詩云少年歸娶奏金

鑒喜得天顏一笑看。紅錦裁雲朝。莫鴈紫簫吹。
月夜乘鸞。靈椿堂上承中饋。寶鏡臺前結合歡。
從此梅花消息好。青綾不似玉堂寒。

解學士題長亭四柳圖送薛尚書致政云東邊一
株楊柳樹。西邊一株楊柳樹。南邊一株楊柳樹。
北邊一株楊柳樹。縱有柳絲千萬條。也綰不得
征鞍住。南山叫鷓鴣。北山叫杜宇。一箇叫行不
得。哥哥一箇叫不如歸去。又嘗題畫松云磨盡

一錠兩錠墨寫出一株大枯樹夜深老鶴忽飛
來踏枝不看空歸去

呂尚書震與解公縉一日談及食中美味呂曰駝
峰珍美震未之識也解云僕嘗食之誠美呂公
知其誑已他日從光祿得死象蹄脰語解曰昨
有駝峰之賜宜共饗之解因大嚼去呂寄以詩
曰翰林有個解癡哥光祿何曾宰駝駝不是呂
生來說謊如何嚼得這般多

解學士嘗吊友人喪妻曰四德俱全七去咸備嗚呼哀哉大吉大利聞者絕倒蓋其妻悍也

胡廣

字光大吉水人宋忠簡公銓其十二世孫也建文庚辰廷試王艮當魁貌不及廣且廣策斥親藩上遂擢廣第一謂其名與漢臣同且胡虜豈可容廣賜名靖浚民死節而靖永樂中得幸復疏名廣

牛首山在金陵南三十里有二峯東西相對晉元帝初作宮殿王導指雙峯曰此天闕也故又名天闕山劉宋立郊壇於此梁武帝又於山下建

寺山有石洞洞中有石鼓天欲雨則石鼓自鳴
高廟怪此山獨不北拱杖之永樂中胡廣扈從
獵龍山因遊牛首佛窟寺畱詩曰曉從鑿與出
九關偶尋牛首共躋攀南唐古寺畱碑在西竺
高僧度錫還百尺岩龕過鳥上半空鐘鼓隔人
間暫遊已覺塵緣息到此方知佛窟閑

胡文穆與楊東里善胡病篤時人投詩假楊作云
漢朝胡廣號中庸今日中庸又見公堪笑古今

兩奸究天教名姓正相同得詩慙憤數日率初
胡與楊約致仕後拿舟往來及廣死楊夢與廣
對酒聯句恍然夙約也詩有金螺瀟灑對芙蓉
驚渚漁洲窈窕通之句

宋陳賈勳朱子人誦之云組周大聖猶遭謫伊

洛名賢亦被譏堪笑古今兩陳賈
如何專祀聖賢非譏廣詩祖此

曾槩

字子槩永豐人五歲盡識家戲字稱江
西才子永樂申甲狀元其生洪武乙巳

九月七日亥時其孫追亦生洪熙乙巳九
月七日亥時年月日時皆同因名追成化

戊戌追亦
探花及第

永樂初曾榮赴會試同鄉有劉子欽者由省元至
會元將殿試解縉在翰林會間稱之曰狀元屬
子矣子欽自負略不少遜避縉少之密以題意
示榮明日廷對榮策詳最殆及萬言遂擢第一
殿試罷作詩有曰曉開三殿降絲綸袞冕臨軒
策小臣紅燭影催金闕曙紫霞香泛玉壺春雲
霄九萬扶搖近禮樂三千制作新淺薄未能宣

聖德願歌棫樸播皇仁

太宗賜教庶吉士曾榮等二十八人贊貴甚嚴

嘗親為試誦一日令青補蛇者設宴有全誦者
詔成達而貸之令搜大木茶等以書新執政執
政袖書見上施陳
辛苦狀因得釋歸

永樂戊子廬陵蕭時中以詩肯薦于鄉明年中式
會試上巡北京畱太學又明年中榜會祭贈
以詩曰鄉衮曾掄宋殿魁廬陵文運喜初回九
重天上承恩渥八十人中識後才囊簡幾年窺
夜雪龍門一日動春雷行人若向青原望定有
紅光燭上台

曾學士冬日扈從獵龍山同遊牛首佛窟寺和胡
學士詩云數聲清磬遠微微始覺塵緣到此稀。
僧向定時聞葉落客從坐處見雲歸。佛居華藏
那營窟。心會真誠即悟機。賜得宮袍新製錦未
應還羨五銖衣。

曾學士送陳郎中重使西域云重宣恩詔向窮邊。
蕃落依稀似昔年。酋長拜迎張繡幌。羗姬歌舞
散金錢。葡萄夜醉氍毹月。騷褭晨嘶苜蓿煙。百

寶嵌刀珠飾。部人知是漢張騫。

鄱陽湖有女兒港。曾學士泊此賦詩云。彭蠡湖邊
女兒港。秋水未乾。湖水長。女兒一去。今幾秋時。
有行人來繫舟。岸柳汀花濕紅翠。柳似顰眉花
濺淚。茅屋參差石徑斜。港口人煙。允幾家。當初
知是誰家女。後來嫁作誰家婦。嫁時湖上墮弓
鞋。至今尚想凌波步。我欲回頭問小姑。小姑
迢迢隔重湖。我欲從前太姑問。太姑默默迎新恨。

顏薄命真堪惜。女兒名姓無人識。年來
湖水春空使行人。吊陳迹。君不見古來多少大
丈夫。老死湖山名亦無。

有虜使至稱善飲。有司推能匹者纔得一武弁。猶
恐不勝。上令廷臣自薦。曾請往三人默飲終
日。虜使已酣。武人亦潦倒。蔡夷然復命上笑
曰。無論文學此酒量。豈不當作大明狀元。郭錫
以內醞甚厚。後病卒。且氣絕。乎酒飲至醉。題曰

宮詹非小。六十非夭。我以為多。人以為少。易簣蓋棺。此外何求。白雲青山。樂哉斯丘。

王傅

字孟揚。閩人。永樂間。官檢討。時杭有王

善同在翰林。孟揚嘗謂希範曰。解學士名聞海內。吾四人足以撐住東南半壁。識者謂為知言。後解謫。交趾傅亦以罪謫。二人逐共超廣東。娛嬉山水。奏請鑿贛江。以便往來。上怒。徵緡併傅下獄。俱死獄中。

王孟揚憑祥道中遇元夕有懷賦詩云。曾向蓬萊捧壽觴。良宵湛露沐恩光。鳳笙曲奏梨園譜。鰲

背燈開火樹芳往事別來傷旅恨。流年老去在
他鄉。夷歌蠻舞誰能解。馬上看山夜未央。

高棟

字廷禮三山人永樂間官翰林典籍

高廷禮集唐詩品彙大有功於詩教嘗擬唐詩數
百爲時所稱擬蘇許公侍宴安樂公主新宅應
制詩云飛構雲邊帝子家宸遊天上駐香車玉
杯春醉平陽館銀漢秋行轉望槎萬朶仙花迎
日吐千條弱柳向風斜。皇情愛物歡無極能使

羣心戀翠華。擬岑補闕奉和早朝大明宮之作
云。明光漏盡曉寒催。長樂踈鐘度鳳臺。月隱禁
城雙闕迥。雲迎仙仗九重開。旌旗半掩天河落
。闔闔平分曙色來。朝罷珮聲花外轉。回看佳氣
滿蓬萊。擬崔司勳登黃鶴樓云。武昌樓下白雲
飛。黃鶴何年去不歸。千古登臨悲故國。空餘陳
迹弔斜暉。清川雨散巴山出。大澤天寒楚樹微。
久客他鄉搖落暮。秦關回首淚沾衣。擬高常侍

送王季二少府貶衡巫云曉鐘寥亮鴈聲哀候
館鳴鷄曙色催兩地送君雙別淚西風駐馬一
銜杯巴山落月帝猿斷楚水孤帆暮雨來莫怨
異鄉成久隔漢庭還憶賈生才

王紱

字孟端無錫人永樂間官中書未達時

畫已馳名人不可苟得嘗月夜寓京邸
聞簫聲一起隣家清亮可人倚床聽之乘興
寫竹石一幅明早扣門訪其人以為贈蓋
一富商也商人大喜過望次日奉駝龍段
二求作配幅孟端曰俗子何足當我筆亟
索而碎之

有客京師而別娶婦者王孟端寄詩云新花枝勝
舊花枝從此無心念別離可信秦淮今夜月有
人相對數歸期其人得詩感泣而歸

王孟端月夜過瞿塘詩云瞿塘灩澦足風波一乘
官航抵暮過峽盡頓看江路濶山開尤喜月明
多圖分八陣石猶在枉鎖重關鐵未磨惆悵英
雄俱已矣令人千古獨悲歌

王孟端登劔閣望京華有詩云一上高臺首重回

五雲何處是蓬萊。帆隨鴈影天邊去。人共春光
日下來。淮甸煙銷平似掌。河流冰泮碧於苔。翠
華行幸應非遠。佳氣氤氲繞上台。

林誌

福建長樂人。母游氏。夢梁僧寶誌入室。而生。因名在。髫髻時已喜為文辭。後從

學於王孟揚。桂好辯論。因字之曰尚默。自號荜齋。又號見一居士。

林誌祖清避元不仕。變易姓名匿居山寺。會府公
檢冊寺中見清詰問。且曰能詩乎。曰頗能。即以
冊號八青。命為詩應聲曰。金紫何曾一掛懷。石

田茅屋自天開絲竿釣月江頭住竹杖挑雲嶺
上來麴糵曉收栽藥圃土花春長讀書臺革除
一點浮雲慮木筆題詩酒數杯府公驚羨遂與
爲友政暇輒携酒過飲倡和移日一日忽論海
濱人物因曰若林清者雄才碩德惜未見其人
林不覺有感府公曰公殆林清耶林曰昔清者
公安得見之此吾所以有感也相與盡醉而罷
明日林竟去之府公再往訪多方物色終不見

矣

林誌高才博學鄉會試皆第一比殿試深以魁選
自負迨傳臚之夕夢有馬奪其首旣而同邑馬
鐸第一誌次之甚怏怏不服一日互爭于廷

成祖試以對曰朕有一對對佳者狀元曰風吹
不響鈴兒草鐸應聲曰雨打無聲鼓子花帝
大稱許誌踰時竟不能對遂愧服蓋鐸幼時夢
有以下聯語之者不知何謂至是用之得賜狀

元相傳鐸母馬氏妻也嫡妬不容再嫁同邑李氏復生一子名馬後亦中狀元上喜其文御筆於馬身加其字名李騏越三日臚傳九三唱無應者上曰即李馬也騏乃受詔每投刺所作騏字黑書馬朱書其

高舉

鄱陽人永樂甲辰進士

高舉拜監察御史罷歸居林谷間謝絕人事不入城府一日棹小舟至城下時值重午郡守飲月波樓以觀競渡舉微服箕坐舟上守怒逮之令其供不合狀舉遂書一絕云皇后升遐未一年

今春先帝又賓天。江山草木皆垂淚。太守如何看盡船。守詢之。知爲高侍御大慚。而延納之。公拂衣不顧去。

王英

山東濱州人。其父斌爲浮梁令。以父任應江西鄉舉。

浮梁東隅有昭烈廟。祀唐張巡。設像旁。侍曰張太。子永樂間。山東王英叩卜。秋舉降箕曰。玉霄一點墜雲端。難失佳人一不全。敲斷鳳釵文不就。貴人頭上請君看。蓋王英高中四字。也是秋果。

然又士人袖芭蕉葉入云我非問功名第言袖
中何物詩云袖裏懷來一葉青知君有意侮
神靈可憐昨夜三更雨滅却燈前數點聲又士
人得異草來問其名詩云蘇武當年膽氣雄
奴一箭射飛鴻至今血染階前草一度秋來一
度紅或謂是時有旅觀寓廟中必其所為後觀
移而神不顯

杜庠字公序號西湖醉老

杜庠以詩聲於永樂間其過赤壁詩云水軍東下
本雄圖千里長江隘舳艫諸葛心中空有漢曹
瞞眼裏已無吳兵消炬影東風猛夢斷簫聲夜

月孤過此不堪回首處荒磯鷗鳥滿烟蕪一時
人皆傳誦稱曰杜赤壁

楊文理統綺子也侈靡善吟中歲貧甚與杜公序
善杜爲攸令楊欲往謁闕道里費趲趲久之楚
有商於吳者難楊曰爲我作行舟八詠即載以
往題曰蓬檣篙櫓猫纜舵跳楊一揮而就其詠
蓬警句有數葉飽風淮浦晚一繩拖雨洞庭秋
詠櫓警句有分開水面秋烟冷斫破波心夜月

明商讀之躍然起敬載之往且厚贈之